



Հաստատված է  
«ՀԱՅԷԿՈՆՈՄԲԱՆԿ» ԲԲԸ Խորհրդի թիվ 21/16-30.06.2023թ. որոշմամբ

Ուժի մեջ է մտնում 06.07.2023թ.

Խորհրդի նախագահ

----- Ս. Սուքիասյան

### ԿԱՆՈՆԱԿԱՐԳ

«ՀԱՅԷԿՈՆՈՄԲԱՆԿ» ԲԲԸ ԿԱԴՐԱՅԻՆ ՔԱՂԱՔԱԿԱՆՈՒԹՅԱՆ ԿՈՄԻՏԵԻ

ԵՐԵՎԱՆ 2023

<b>ՓԱՍՏԱԹՂԹԻ ՓՈՓՈԽՈՒԹՅՈՒՆՆԵՐԻ ՊԱՏՄՈՒԹՅՈՒՆ</b>			
<b>Հ/Հ</b>	<b>Որոշման/Հրամանի ամսաթիվ</b>	<b>Որոշման/Հրամանի համար</b>	<b>Փաստաթղթի նույնականացուցիչը</b>
1	30.06.2022թ.	21/16-30.06.2023թ.	ISO/KG/A.7/043/30.06.2023/1

## 1. ԸՆԴՀԱՆՈՒՐ ԴՐՈՒՅԹՆԵՐ

- 1.1. Սույն կանոնակարգը սահմանում է «ՀԱՅԷԿՈՆՈՄԲԱՆԿ» ԲԲԸ (այսուհետ՝ Բանկ) խորհրդին կից Կադրային քաղաքականության կոմիտեի (այսուհետ՝ Կոմիտե) կազմն ու կառուցվածքը, խնդիրները, գործառույթները, գործունեության կազմակերպումն ու ընթացակարգը:
- 1.2. Կոմիտեն հանդիսանում է Բանկի խորհրդին կից խորհրդատվական մարմին, որը ստեղծվում է Բանկի Խորհրդի որոշմամբ:
- 1.3. Կոմիտեն իր գործունեության ընթացքում ղեկավարվում է ՀՀ օրենսդրական և ենթօրենսդրական ակտերի, ՀՀ ԿԲ կողմից ընդունված որոշումների, Բանկի ներքին իրավական ակտերի և սույն կանոնակարգի, Բանկի կառավարման մարմինների կողմից ընդունված որոշումների պահանջներով:

## 2. ԿՈՄԻՏԵԻ ԽՆԴԻՐՆԵՐԸ ԵՎ ԳՈՐԾԱՌՈՒՅԹՆԵՐԸ

- 2.1. Կոմիտեի հիմնական խնդիրներն են՝
  - 2.1.1. Բանկի կառուցվածքի, Բանկի ստորաբաժանումների կառուցվածքի վերանայման, բանկի որոշակի պաշտոնների թեկնածուների նշանակման վերաբերյալ առաջարկների քննարկումը:
  - 2.1.2. Բանկի կադրային քաղաքականությանը, աշխատակիցների վարձատրության բնուսային համակարգին և խրախուսանքներին ու տույժերին վերաբերող ներքին իրավական ակտերի քննարկումը:
- 2.2. Կոմիտեն իր խնդիրներին համապատասխան կատարում է հետևյալ գործառույթները.
  - 2.2.1. «ՀԱՅԷԿՈՆՈՄԲԱՆԿ» ԲԲԸ կադրային քաղաքականության (ներքին կարգապահական կանոններ) կարգով սահմանված խորհրդի իրավասության պաշտոնների թեկնածուների հետ, Բանկի վարչության իրավասության պաշտոնների թեկնածուների հետ (որոնք նշանակվում են խորհրդում հարցազրույց անցնելուց հետո) հարցազրույցների անցկացումը և Բանկի խորհրդին խորհրդատվական բնույթի առաջարկների տրամադրումը:
  - 2.2.2. Բանկի կառուցվածքի, Բանկի տարածքային և կառուցվածքային ստորաբաժանումների կառուցվածքի վերանայման վերաբերյալ առաջարկների քննարկումը և Բանկի խորհրդին խորհրդատվական բնույթի առաջարկների տրամադրումը:
  - 2.2.3. Բանկի կադրային քաղաքականությանը, աշխատակիցների վարձատրության բնուսային համակարգին և խրախուսանքներին ու տույժերին վերաբերող ներքին իրավական ակտերի քննարկումը և Բանկի խորհրդին խորհրդատվական բնույթի առաջարկների տրամադրումը:

## 3. ԿՈՄԻՏԵԻ ԿԱԶՄԸ ԵՎ ԶԵՎԱՎՈՐՈՒՄԸ

- 3.1. Կոմիտեն կազմված է բացառապես խորհրդի անդամներից:
- 3.2. Կոմիտեի կազմը հաստատվում է խորհրդի կողմից և չի կարող 4 հոգուց պակաս լինել: Կոմիտեն ունի հետևյալ կառուցվածքը՝ նախագահ, քարտուղար, որը ի պաշտոնե խորհրդի քարտուղարն է, և անդամներ:

#### 4. ԿՈՄԻՏԵԻ ՆԻՍՏԵՐԸ

- 4.1. Կոմիտեի նիստերը գումարվում են ըստ անհրաժեշտության:
- 4.2. Կոմիտեի անդամները կարող են նիստերին մասնակցել իրական ժամանակի ռեժիմում հեռախոսային կապի, հեռուստակապի կամ այլ հաղորդակցական սարքերի միջոցով, որոնց շնորհիվ նիստին մասնակցող բոլոր անձինք ի վիճակի կլինեն լսել միմյանց: Նման ձևով նիստին մասնակցելը կհամարվի նիստին անձամբ ներկայություն:
- 4.3. Կոմիտեի նիստերը իրավագոր են, եթե անդամների առնվազն կեսից ավելին մասնակցում են նիստին:
- 4.4. Նիստերի արձանագրությունները վարում է քարտուղարը կամ նրա կողմից նշանակված անձը:
- 4.5. Արձանագրությունները ստորագրվում են նիստի մասնակից Կոմիտեի բոլոր անդամների կողմից:
- 4.6. Կոմիտեի նիստերի արձանագրությունները պահվում են առանձին թղթապանակներում՝ Բանկի Խորհրդում:
- 4.7. Կոմիտեի նիստերին կարող են հրավիրվել Բանկի աշխատակիցներ կամ այլ անձինք: